

增城縣志卷之十七

宦續

自來循良之吏建功樹德沒世不朽類皆名垂竹帛光昭古今豈徒善政則野載口碑課最則朝登薦剡已哉增城守土官吏其政績卓卓可紀者先後相望彬彬然兵農禮樂文章經濟各揚其職官不易方當其撫字勞形早已謳思載道然而甘棠遺愛去思尤摯久歷彌彰成都之祀桐鄉之報奚若史遷循吏一傳者之更爲榮重乎茲編於歷來蒞增名宦遠稽近考不敢有善而弗錄尤不敢無美而濫登思德愛樹之意旌淑別慝之方胥於是乎在焉

增城縣志卷之十七

宦績 謫宦附

陸徽 南北朝宋 下同

陸展

劉勔 王宗已 宋

左祥 元 下同 李習

吉禮 明 下同 李世英

唐奎 蔡正平

劉灝 黎禧

廖簡 何昌言

萬景 申端

增城縣志 **卷十七** 目錄 又一

甘鏞 朱文簡

朱道瀾 陸來宣

文章 廖如嵩

李萃 唐朝宗

盛賚汝 黃陽

張孔修 趙鉞

王良心 曾紹

李鈿 徐震

唐晨 張輅

林繼衡 楊啟新

鄒元忠

喻子賢

陸世科

陳士章

王一令

徐應亨

陳世鳳

陸清源

楊九韶

林明興

董日烱

國朝

徐秉義

冉存異

王啟宏

沈澄

李上漢

邵鳳起

閻廷弼

高猶龍

蔣觀昌

增城縣志

卷十七

目錄

再一

林朝開

管一清

圖爾兵阿

傅其英

毛圻

張元愷

劉毓秀

荆塏

余啟昇

王庭祐

倪森

張慶鏢

楊先榮

吳徵鼈

鄧炳春

王會中

謫宦

何長瑜

南北朝宋

戴冠

明

南北朝宋

陸徽字休猷吳郡人元嘉中爲增城令正直無私太祖善之歷遷始興太守廣州刺史卒之日家無餘財太祖痛惜之贈輔國將軍本官如故賜錢十萬米二百斛諡曰簡子弟展繼令增城

據通志秩官表韶州名宦傳及粵大記增入

陸展少善詞章嘗撰世說新語人競傳之元嘉中爲增城令歷南海太守務持大體不爲苛細士民安之後

改守潯陽

據通志廣州志粵大記南海志增入

劉勔字伯猷彭城人也祖懷義始興太守父穎之汝南新蔡二郡太守勔少有志節兼好文義家貧爲廣州

增城縣志

卷十七

官續

一一

增城令廣州刺史劉道錫引爲揚烈府主簿元嘉二十七年奉使詣京都太祖引見之酬對稱旨除寧遠將軍綏遠太守元嘉末蕭簡據廣州爲亂勔起義討之燒其南門廣州刺史宗懿又命爲府軍主簿以功封大亭侯除員外散騎侍郎孝建初以本號爲晉康太守又徙鬱林太守大明初還都徐州刺史劉道隆請爲寧朔司馬竟陵王誕據廣陵爲逆勔隋道隆受沈慶之節度事平封金城縣五等侯除西陽王子尚撫軍入直閣前廢帝卽位爲振威將軍屯騎校尉入直閣太宗卽位加寧朔將軍校尉如故豫州刺史殷

炎反叛假輔國將軍率衆討炎破炎將劉順於宛唐杜叔實於橫唐炎嬰城固守勔內攻外禦戰無不捷善撫將帥以寬厚爲衆所依及炎開門請降勔約令三軍不得妄動城內士民秋毫無所失百姓感悅咸曰來蘇百姓生爲立碑還京都拜太子左衛率封鄱陽縣侯食邑千戶炎初求救索虜虜大衆屯據汝南大始三年以勔爲征虜將軍督西討前鋒諸軍事四年進號右將軍淮西人賈元友上書太宗勸北攻懸瓠可收陳郡南頓汝南新蔡四郡之地以其所陳示勔使具條答太宗納之元友議遂寢五年徵拜散

騎常侍中領軍勔以世路糾紛有懷止足求東陽郡上以勔啟徧示朝臣自尚書僕射袁粲以下莫不稱贊咸謂宜許上曰巴陵建平二王並有獨往之志若世道寧晏皆當申其所請勔經始鍾嶺之南以爲棲息聚石蓄水彷彿邱中朝士愛素者多往遊之太宗臨崩顧命以守尚書右僕射中領軍如故給鼓吹一部元徽初月犯右執法太白犯上將或勸勔解職勔曰吾執心行已無負幽明若才輕任重災眚必及天道密微避豈得免桂陽王休範爲亂奄至京邑加勔使持節領軍置佐使鎮扞石頭旣而賊衆屯朱雀航

南右軍王道隆率宿衛向朱雀聞賊已至急信召勛  
勛至命閉旂道隆不聽催勛渡旂進戰率所領於柘  
南戰敗臨陳死之時年五十七事平詔贈散騎常侍  
司空本官侯如故諡曰忠昭公子俊嗣順帝昇明末  
爲廣州刺史

節錄宋  
書本傳

宋

王宗已字子游長溪人紹興間進士爲增城令以治行  
第一上書其名於屏秩滿改知常熟縣尋知廣州歷

官朝奉大夫

據通志廣  
州志增入

元

增城縣志

卷十七

宦續

四

左祥字祥興江西新城人初授翰林從事爲學士吳澄  
所知出爲香山縣尹轉潮州路經歷後以奉直大夫  
尹增城先是學宮毀於兵燹邑人鄭聰老刻孔子木  
主祀於其家祥至憫先聖崇祀無所求舊學故址得  
之冲霄門外鶴子峯之陽乃鳩工重建殿庭齊廡皆  
如制時元政不綱諸務叢脞而士氣亦奄奄不振祥  
旣立學率邑人士講論濂洛關閩之學又作勸學文  
以訓其童蒙刻諭俗編以警惕竊習一時流俗爲之  
丕變擢知萬州歷廣安路總管府祥蒞官清白潔已  
惠民所至有遺愛增人至今誦之不衰祀名宦

李習至正甲申爲增城令能文章而尤嫻於政事先是  
有鄧英甫者本循梅界尙酋招諭下山授叅尉安置  
本縣橫暴不法百姓苦之習初至廉得其狀拘其爪  
牙羅恭等治之英甫遂率衆毆習於庭明年僉憲張  
光道臨增邑民陳告英甫罪狀光道繫其爪牙三十  
餘人併英甫皆處死

明

吉禮精於書律洪武元年爲增城知縣二年頒郡邑公  
署圖式於天下禮奉詔撤而新之如制三年庚戌重  
建廟學規模宏整時天造草昧諸務未遑而禮獨先

增城縣志

卷十七

官續

五

其大者論者以爲識政體云

據永樂志

李世英天台黃巖人洪武十一年知增城縣遂于學而

通律令知其意政事公平民皆愛之

據廣州志

唐奎字景文順德人洪武初以經明行修薦授增城教

諭博覽羣籍號唐書櫃湛翠賊作亂往諭之被執不

屈死其子豫痛父之死建蓼莪亭聞者悲焉

據通志  
粵大記

及順德  
南海志

蔡正平洪武間爲縣丞正直廉介一毫不妄取於民妻  
子皆布衣蔬食修社稷山川邑厲等壇甚著勞績

據永

樂志

劉灝江西人進士永樂間知增城縣好學有守臨民以

莊在任半年而卒

據永樂志

黎禧廣西陽朔人成化五年由舉人知增城縣有治才  
冰蘖自勵時劇賊殘破諸邑嘗獻議於僉憲陶魯魯  
如其策遂討平之增築城垣邑人恃以無恐又修邑  
學校自門庭階廡以至庖湔器具靡弗飭在任循循  
以實心行實政民戴之若父母焉後稍遷瓊州通判  
增人思之祀名宦

廖簡江西崇仁人由舉人爲邑教諭經明而行修古君子也教士一本性命之學不事浮藻提學趙瑤甚器

增城縣志

卷十七

官續

六

重之善屬文憲司有所著作皆藉手焉嘗應聘爲福建考官修廣州府志兩廣總督朱英曾檄之校宋史蓋其自少時與吳與弼羅倫相師友故其學有所自云

舊志按教諭當作訓導詳見職官志

何昌言浙江人宏治元年由監生知增城縣寬厚廉靜有長者風時賊首黃祖成據藍糞山作亂昌言請大軍討平之邑賴以安

據粵大記

萬景廣西藤縣人宏治五年由承差爲縣主簿知縣缺檄署縣事甚鯁介有執徵收時革其羨餘按治奸猾

不爲吏胥所撓雅意儒術建菊坡亭又于邑校建奎  
星亭皆捐俸爲之有儒吏風後坐誣去士民不忍別  
遺之詩有三年視篆無科斂兩度徵糧不要錢之句  
其詞雖俚足以徵愛戴之意云

申端宏治間由舉人爲增城知縣政尙嚴厲鋤抑強梗  
獎率善類凡百廢墜煥然具舉當道以才稱之

甘鏞廣西潯州人正德間由舉人補邑訓導博雅而惇  
厚文詞藻麗與諸生搜講藝業孜孜不倦河南戴冠  
爲時名流謫烏石驛丞一見定交焉嘗修邑志未就  
陞任去尋卒

增城縣志

卷十七

宦績

七

朱文簡浙江樂清人正德中由舉人知舉城縣治尙嚴  
而應務敏給初下車懲刁猾者以法豪強屏跡值良  
田矮洞賊擾鄉邑文簡請於軍門檄兵憲王大用按  
縣剿捕縣民之黠者多爲賊窩急則匿之於家緩則  
導之行刦文簡偵得實白其狀於王遂大索窩家置  
于法然後破賊殲之遐邇大悅

朱道瀾字叔觀莆田人嘉靖四年由進士授增城知縣  
忠信明決曉暢吏事舊編徭役先以畸零作漏編所  
虧之額則攤諸實戶因得利其所餘道瀾至合畸零  
與實戶均列一籍有所餘以歸之民民心大悅服倣

呂氏鄉約立月會法聽民舉高年有行誼者一人爲之長月率其鄉之衆會於公所令社師誦古格言一通置善惡二簿會長書其善惡之尤者于簿并獎勵教戒之民俗歸厚焉先是學宮頽廢士氣不振鄉試不得舉者凡三科道瀾以興學作人爲己任大修學宮又朔望課諸生爲之指授經義法日昃不倦諸生共奮勵是科得薦四人遷太僕丞尋憲嶺南行部至增增民舉欣欣若慈母之至乃視學召諸生會講并檄縣修其所未備者戀戀數日不能去其民亦戀戀不能釋今祀名宦

陸來宣臨川人由乙榜來署教諭務尊嚴師道時時進諸生爲敷陳經義多奧旨皆昔所未發善古文辭工楷隸書嘗作銘大書於屏以自警其辭曰翼翼鏘鏘匪我面牆內明而貞外達而臧貞以一心臧以綏履出斯入斯吾觀備矣士大夫恒誦之以爲切已近裡文章字成之桂林人嘉靖十九年以舉人來知縣事爲人廉靜寡欲政先仁恕務敦大體有古循良風奸胥筭徵收多索火耗以媚令章厲色拒之又奸胥於徵收時較銖兩必潛重其衡使溢額故自輸賦者皆自封投櫃而鑄小鏹於櫃中易之章固其緘朝夕謹視

毋得私出入弊遂絕嘗以啟聖祠卑隘不稱崇祀號舍頽圯不可居又社稷山川邑厲諸壇壝不可以依神次第增修而民不擾稍遷欽州守厯處州府同知所至有遺愛

舊志按職官志文章以十五年任今以秩祀學校藝文等志考之則十五年爲信此云十九年誤

廖如嵩閩延平府南平人嘉靖丁未由選貢爲增城教諭資稟端厚持論確然有君子風與人交無私喜怒士無賢不肖皆教之有貧生以束脩見却不受仍割俸以濟其匱乏課士甚勤每月常課外時督之會文爲之指畫經義法人以爲真師儒也後以憂去今祀

增城縣志

卷十七

宦績

九

名宦祠

李萃江夏人由舉人知增城學優而守潔爲治清淨不擾詩律書法並佳後卒于京邸人盡惜之

唐朝宗全州人以舉人署增城教諭負奇氣有雋才而課諸生則循循一仿蘇湖法嘗割俸金周貧生并及邑之貧者人或待之舉火有叩立應無難色無怠容飲人以和人皆親之先是學後植松數百株大將合抱日久漸耗朝宗復踵而植之至今望之蓊茂猶昔也朝宗去而見思人見其所植松猶甘棠然

盛賚汝字以善常熟人以舉人知增城體弱不勝衣下

車時故恂恂若不能言者奸猾吏頗易之俄而治事  
意氣勃發遇事了了泚筆剖斷無積牘左右始縮頸  
吐舌矣時瀕海十三村多賊昏夜嘯聚流劫或白晝  
斬關殺人於市而奪之金有司莫敢詰當路議盡征  
之賚汝歎曰殲厥渠魁脅從罔治古之制也奈何欲  
併其良者殲之詣上官面白不可狀且請仿鷗剿之  
法上官躩之遂委焉賚汝退懸賞格密鈎致之渠魁  
無得脫者而不濫一良民人感其德十字濬諸村相  
率祠焉有無賴生主唆起滅致人獄破家者纍纍賚  
汝曰握三寸管而殺人如鎔錮是慘於盜矣乃密啟

上輒繫治置於法由是盜賊盡平訟獄衰息增以大  
治嘗著詩抄以教增之學者人爭傳之歷漢陽知府  
所至有聲

黃陽字伯原莆田人由舉人署增城教諭性簡靜與諸  
生接甚和霽可親如在光風霽月中尤清介絕俗當  
道嘗強之署縣事每日一升堂泣事既退閉門默坐  
於聲利若浼也精詩律工楷書興至卽藉以自娛遷  
南安府推官

張孔修字德成餘姚人從父徙居福寧州遂領福建鄉  
薦試潮之犬埔令多惠政以平寇功增秩調增城在

任時止携二蒼頭有衣一篋有琴一囊其餘無長物見百姓煦煦若家人子人亦不敢干之以私居無何寇薄城下大掠孔修戎服登埤指麾守禦募勇士絕城下擊賊斬賊首揭之竿賊始宵遁内外安堵學校祠宇必捐金飾之而敝衣蔬食澹如也縣無賴者逋人緡錢無所償或相格鬪甚或飲毒藥以死誣人孔修下令峻坐誣者竄俗爲之一變諸鄉多虎患爲文牒城隍虎自弊林中召爲刑部主事百姓扶老携幼送之

趙鉞字可虔長汀人由舉人授普寧知縣尋改長寧二

增城縣志

卷十七

官續

十一

邑皆新創百度未舉鉞單車行不携妻子所至俱大治諸司嘉之適增缺令屬鉞來署篆鉞益奮勵首斥舞文之吏而刑罰省減耗羨之人而賦歛寬民嘗有應贖而鬻其子者免之而歸其子有逋負且犯贓者追其贓卽以償所負不更追也訟而請息者聽之鞠而得情者哀矜之未幾而代者至百姓泣別江滸爲立遺愛碑

舊志按職官志無趙鉞意志職官者詳於任而畧於畧而其德有不可忘者故特於傳著之與

王良心字性德永嘉人隆慶辛未由進士授增城知縣方嚴簡重不苟言笑馭胥吏尤峻向時奸蠹凜凜奉

繩墨至有求解役願歸農者其自奉僅脫粟蔬筍若  
儒生然部民有以黍肉饜者輒標之門外惟諮詢疾  
苦按豪民之不法者數人乃敦教化省刑罰建橋梁  
設社倉置養濟院增人安之又念增多寇盜城垣無  
以爲固建三門月城濬西南城濠以爲之備又修學  
宮建雁塔以振人文焉其治縣皆實心實政不爲赫  
赫名後以行取爲兵科給事中士民爲立去思碑崇  
正四年舉祀名宦

曾紹廣西宣化人爲邑簿直諒敦樸事上不諂撫循百  
姓多惠愛嘗奉檄監軍守要害稽出入禁侵掠而民

增城縣志

卷十七

宦續

十一

安又嘗與兵事除道修葺舍絞蔴苧挽舟以通餉動  
有成緒

李鈿同安人由掾史授增城縣丞慈惠愛民以冰蘖自  
勵常例一無所受適邑有警方戒嚴鈿按微罪者二  
人責其贖金納之橐民驚曰丞故矯橋者今乃變節  
耶取贖金者何也鈿逮暮乃碎其金作數百裹褻以  
登陴分勞守陴者其臨事多通變不爲名高類如此  
尤敏練有幹局時烏寇掠海上省會築邏城爲備甚  
急諸司檄鈿董其役築者歌焉時又進討兩源及從  
龍賊令鈿往圖其山川形勢出入道里遠近盡得其

要害寇瞭然在目。中幕府皆異之。後轉左去。未竟其用云。

徐震餘姚人。由進士知縣事。以清白著聲。一夕微行至會僊。里有婦人汲於井。相謂曰。水之清若令矣。泣事尤明決。增俗類以小忿捐生。或自經。或服毒。藥藉以誣。人民被誣者。輒破家震灼。其情有類此者。罪其親屬。仍鍥姓氏。揭四門境內。聞之。其弊始息。又廉得刀筆代寫訟牒者。數人書狀師二字於面。遊之途。以爲鑒戒。自是豪惡橫鄉里者。飲博廢業。游手無賴者。咸俛首自歸。伏罪震皆朴而遣之。使自新。有刁民不得

增城縣志

卷十七

宦續

十二

逞越訴於上官。上官曰。爾增自有部院。在其政聲震耀如此。縣治之南。故有塔震曰。宜雙之。乃集羣議。創翔鳳塔。甫創址。震卽罹疾。邑民爲之禱於神。及卒。咸奠賻焉。崇正十一年。舉祀名宦。

唐晨湖廣江華人。爲增城訓導。嘗署教諭。事性。和平。未嘗疾言厲色。尤澹於財。嘗曰。不佞忝爲人師。將飭躬勵行。爲人倫模範。顧與弟子較錙銖乎。諸生中有以修脯進者。輒曰。留之。少具茗粥。以供讀書。士林皆傳誦其言。

張輅。萬州人。萬曆辛巳。爲增城訓導。豁達開朗。個儻有

氣節事關大體率諤諤無所諱念諸生貧解橐中裝  
爲贈聖廟祭品壞慨然曰吾任也捐俸置之有某生  
坐累中危法人無援者輅獨執不可爭之縣官詞色  
具厲生賴以全月進諸弟子較藝躬自評隲無爽遷  
程鄉教諭卒

林繼衡福建長樂人萬厯丙戌進士知增城縣宅心寬  
平行政仁恕而明習法律老吏見其文牘莫不宿頸  
流汗泣治六年不事紛更四民安堵壬辰修邑志多  
存故實擢戶部主事歷温州知府崇正己巳舉祀名  
宦祠

增城縣志

卷十七

宦續

十四

楊啟新福建晉江人由舉人教諭增城嚴恭謹恪無惰  
容無謾語庭無私謁不妄取於人平居嗜學不倦每  
諸生進謁必講論經義一二條訓勉不輟尤不問筐  
篋署龍門篆以廉平著稱遷知縣尋復謫丞東莞子  
瞿峽爲舉人時隨任至增後督學廣東所舊識皆惓  
惓不忘人以此並賢之啟新祀名宦祠

鄒元忠字時效新建人有志節講濂洛關閩之學萬厯  
癸巳由舉人爲增城知縣念諸生肄業無所築號舍  
數十間於學宮之東爲之講學寒暑不輟增士益彬  
彬焉邑科試士子艱於限額元忠請益之遂爲例丙

申歲大饑發倉廩不足則以俸金易米煮糜粥以食  
饑者又不足則力勸富民之好義出穀以佐之所存  
活數萬人又於城東四十里築隄三千一百丈以備  
水患瀕水汙萊皆化爲膏腴居五載擢延平府同知  
不就歸晚節益自勵人皆謂元忠得理學眞派云增  
之人士俎豆不衰

喻子賢江西萬載人由舉人令程鄉以治行著聞萬厯  
庚戌改知增城旣下車執三尺法惟謹吏不能爲奸  
有叩頭求解去者日進耆耄問閭閻疾苦以故下情  
無不洞悉視事迎刃立解時徵歛頻促舊以爲苦子

增城縣志

卷十七

官續

十五

賢悉革其加耗俾自註簿民樂輸焉寇盜誣良多至  
破家子賢乃責令其鄉之保約并賊之親族鄰里公  
同繫送有隱蔽則連坐有枉誣則反坐自是而妄扳  
之弊遂息人命惟謀故鬪毆應抵者論如法其有自  
經服毒謀誣人者子弟從旁不拯救皆痛懲之風俗  
爲之一變他如抑中使之魚然答府胥之橫恣尤人  
所難自是威惠大行頌神君稱慈母者無異詞甫及  
期卽以內艱去邑惘惘如離襁褓後補官又聞以左  
降休致士民益感憤乃爲立碑以識去後之思云

陸世科字從先浙江鄞縣人萬厯丁未進士授建寧令

以憂歸壬子又補增城知縣政尚平易養物力以恤民艱知坊役答應煩苦申請裁革鋪兵工食以其貲置銅鼓并一切應用物籍置之一庫收貯以待所需俾三坊答應稍寬云適八月大水禾稼淹沒世科單騎勘災發倉以賑民感其惠徵收時狃於舊習有加收火耗者世科卽召納戶還之又兼攝東莞政聲大著擢御史歷大理卿士民於東門津亭之左建祠祀之及丙戌歿有司採輿論舉祀名宦祠

陳士章字含之江西寧都人本姓謝幼育於貴州陳氏隨其姓遂以貴州普安籍中萬曆丙辰進士明年授

增城縣志

卷十七

宦續

十六

增城知縣豁達明敏甫下車卽詢民利病革羨耗簡訟獄禁輕生百姓賴焉先是用把總緝盜爲厲階申請罷之遂計擒真盜駱亞八等并斬其黨二十餘人邑以大安學宮頽毀數十年有司率役役簿書不之及也士章慨然以興起斯文爲任盡撤而新之置會講田又請復城隍廟田增修倉庾公餘常遊羅浮與賓從雅集流杯亭從容賦詩其詩皆春容大雅無瑯琊歷下氣習擢刑部郎出爲重慶太守歷廣西副使陞雲南叅政睠顧增城如家人父子其在廣西時有寄懷增城詩八章真摯之情靄然言外時論稱爲真

父母云丙戌年舉祀名宦祠

王一令字心從江西崇義人由歲貢爲閩中主簿天啟五年轉增城縣丞狷介自守令所發案牘理之務盡情理而不拘於律檄署西寧縣事潔已愛人釐剔奸弊總督王業浩疏薦之仍曉諭所屬凡爲縣佐者當以一令爲法

徐應亨字伯陽蘭谿人崇正二年由舉人署增城教諭博學而能詩事母尤孝謹侍母之任席未煖見母有思家意遽移牒求去諸生留應亨不能得乃詣母前再拜懇請母以諸生故乃少留朝夕視寢食雖公事

增城縣志

卷十七

宦績

十七

紛錯不敢怠其教人也一以孝爲本闡明經學多前人未發諸生有窮乏者來就學輒却其脩脯又嘗出餐錢以修祭器併補邑志之缺暇則集邑縉紳及諸生之能詩者相唱和其於聲利泊如也在增著有羅浮集南越集人傳誦之終以不便養乞改近地去後遷巴州守卒

陳世鳳四川忠州人由舉人令長沙以直忤上官左遷尋補增城崇正二年六月韓村被刦捕盜官與失主交構輾轉相株累至四百七十人世鳳至閱其牘歎曰盜數人耳而牽引鞫鞫幾類瓜蔓抄矣民其堪命

哉凡妄指無實據者泚筆悉抹之歡聲振於道路比視事廉平不苛而風裁峻肅丞尉以下皆瑟縮不敢動蠹胥悍卒循循奉約束唯謹性强記百姓以事詣縣者一見識之終身不忘一切簿籍皆可覆而誦也故人無敢欺之者催科訟獄皆有法民用不擾一令下則趨之如流水尤尊禮士大夫而重懲誣告嚴反坐之法一時風俗爲之丕變先是山寇肆虐剗刦無虛日賊首廖九寰黃仲積等以其腹心隸名胥役中爲耳目縣中有動靜覘知之以告得預爲戒備故屢勦皆無功世鳳廉得其狀先收其腹心者置之法由

是賊間遂絕泣任甫逾月遂擒廖九寰等奪還被虜男女共一百二十二人明年入觀餘孽復作及還任逾月又計擒黃仲積等其神斷淵謀人莫測也爰仿古遺意取井里之壯者于南門外隙地訓練之皆成精兵負固者聞風解散一時境內稱大治遷知和州今增之婦稚皆津津世鳳不置久而愈思因卽其練兵之處祠而報焉

陸清源字嗣白浙江平湖人以進士起家崇正丙子來知縣事年甚少而諸事敏練若老成厝注弛張皆適機要坐堂皇泣事霽其顏凡對簿者皆得自盡其意

而抉摘洞肝肺卽狙獠大猾舌強而不能下輕事省  
繫囚輿隸下走鞭笞未嘗輕用聞丞尉鞭笞聲輒詢  
何事丞尉亦不敢橫也撫孤弱抑頑梗事治民和循  
聲大起邑學宮自前令陳士章修之會遷去工未竟  
明倫堂猶未及也清源喟然任其事發贖緩出積羨  
倡紳士構之廡門齊舍工用亟成又建鳳臺書院興  
社學又請於上官祀鄉賢廣試額而增修邑志文教  
大興尋又修署廡修倉廩皆次第舉時增邑多盜清  
源乃濬濠築隄沿城周遭砌銃臺一十二區復鑄巨  
銃以資防守由是墾屯田益市馬練鄉民爲兵盜知  
其有備皆竄匿不敢動盤古尙寇窟穴增從間巡撫  
某上疏請兵剿之特簡清源爲監軍營壘整肅功成  
而民不擾攝東莞龍門從化三縣印務所至人皆誦  
之擢廣西道監察御史巡按福建歷陞都憲後爲亂  
兵所害邑人士就鳳臺書院立祠祀之

楊九韶字虞善雲南鄧川州人由恩選授增城縣丞丞  
職在清軍伍稽盈虛九韶至而諸弊肅清所興革一  
一中竅會嘗署邑事庭無留牘咸稱神明時巨寇蹂  
躪濠逕九韶躬率鄉兵禦之擒其魁餘黨始望風奔  
竄又鑄巨礮以備不虞復查出硝磺無算後之守禦

者皆賴之時適有建統台之役九韶遷清遠當行士  
民詣上官乞留九韶終其事不可得臨行時乃詳定  
規畫且出俸錢三十緡以贊成焉曰苟增人獲有寧  
宇余扁舟載石還矣其惓惓於增類如此士民爲立  
去思碑後署三水縣事陞長樂知縣所至皆有政聲

舊志曰巡海淡菴湯公意不可一世者也侯嘗以  
粵中十事陳之其一曰清犴獄及署三水湯公道  
經肄江忽往視  
之圖圖果空

林明興原名明順字孝臣閩之海澄人登崇正庚辰進  
士初令翁源有聲調知增城一切文牘未嘗假手記  
室引經斷獄不拘舊例小吏持成說輒訶之凡抱牘

增城縣志

卷十七

官續

二十一

進者悉扃他室俾各不相謀呼証佐面折皆得其情  
兩造率屣服而去性聰敏縣民一見輒能呼其名終  
身不忘時奉上官行保甲法裹糧詣各鄉其間若者  
良若者否悉在意中及有所聽斷如引燭而照之也  
凡以舊例餽獻悉峻却戚屬遊客概未嘗有至增者  
約束胥吏使不得爲暴米鹽纖悉皆出俸易之市嘗  
自揭三誓以誓於庭人共見之甲申饑明興捐俸市  
穀糶民不便穀則糶之以米而又慮民之無所得錢  
也則煮粥舖焉朝夕旁午不坐堂皇者越月全活甚  
衆亡何博羅盜起屯劄歐陽洞逼增城明興集父老

子弟守望睥睨間經旬未嘗少倦賊知其有備將退之背陰明興率勁旅挫賊鋒乃踉蹌走奪還被虜男婦二百五十餘人其隸他郡邑者量遠近給歸糧後賊又肆劫逕口明興復勵勁卒前戰而守禦所千戶不受成算先發軍軍士奔潰明興止之不能及從吏勸姑避之以圖再舉明興曰吾誓不與此賊俱生矣汝等欲走則亟走勿顧我言未已賊三四人持鎗趨明興復有六七人趨而前大呼曰此林青天勿害也賊遂擁明興去日羅拜之士民數千人涕泣欲赴難有直抵賊巢者越兩日賊鼓吹前導送之出考滿入

增城縣志

卷十七

官續

二十一

京行李蕭然擢爲貴州道試監察御史主試粵西及復命道經黃埔士民欣欣若見慈母挽留至石灘盤桓數日不能去因建生祠祀之

舊志曰吾增婦人小子無不誦林侯如慈母比之龔穎川虞朝歌有加焉昔都護段會宗爲烏孫所圍陳湯尙能諒之乃逕口之役而說者譏其輕身此何以稱焉有子航航虎口爲父母者臆胸自衛非情也况仁人乎無論侯在增邑典試西粵值陳曜亂惠積尸連絡海嶠侯道經涕泗淫盡出資掩之行李告匱亦不遑恤此其天性然哉噫卽視天下亦若是則已矣

國朝

董日炆字涵蔡浙之慈谿人以諸生從征在尙可喜幕中所謀畫多中竅要委署增城時巨寇肆逆縱橫無

忌烝甫至鸚鵡望值賊數千遮道不能進烝單騎直前諭以禍福遂望風倒戈散去召諸父老咨詢禍本知徵調差徭爲患若建議行爬平法夙弊頓釐民無不均之嘆由是戢採木橫兵罷差使供億寬刑蠲耗凡有益於民者悉心爲之令行禁止胥吏警憚不敢爲慝尤加意作人嘗進邑中士子談經課義皆有啟發日聞所未聞時增四面皆盜窟日烝出片紙諭之其素負固跳梁者皆接踵投見遵約束如黃竹兜之黃興李玉童梓鄒福生等遂密授方畧縛從化長行賊磔之道路無梗境內稱平邑適有虎患日烝誓於

神虎遂寢息反有虎屢噬賊者邑人奇其事著有異政格天錄以歌詠之及代去士民數千人扳轅留不能得因伐石紀政績示後法焉尋僅補河南縣丞

徐秉義字衡宜遼陽人以舉人來知縣事性仁慈而廉介臨事復敏練通達下車問民疾苦剔弊釐奸值惠潮間多事羽檄旁午供億煩費而境內寇盜竊發不時告警秉義內外兼顧夙夜焦勞鬚髮爲白時正供以外雜項交征民之痛楚無所控告秉義慨然曰增地瘠民貧而路當衝要東南民力竭矣其增今日之謂乎多方籲請上官皆諒其真摯量行豁免民有以

訟至者剖決無滯無所株累鞫而得情加哀矜焉其有兩造不願終訟者卽還其牒吏胥不得因緣爲奸民志悅服亡何上官以秉義才堪治劇調知南海百姓如失父母使得久任次第敷施增之元氣庶幾可復焉

冉存異字平川四川南充人康熙二十七年以舉人任增城知縣操守廉潔遇事明敏邑當積玩之後諸務廢弛舊賦積逋者至十年治者難之存異覃思研慮洞悉綱要舊例征糧皆按籍寬之則彼此互相推諉急之則追呼四出波累紛擾然或倩人以應敲扑縣

官故不能識也故法愈峻而逋者愈多存異設的名之法卽兄弟子姪亦不得相假借其急公者有賞而摘其頑戶痛懲之頑戶不能自遁皆悛改輸將恐後存異在任不數年積逋遂清幾至刑措時奉總督檄以私販充斥鹽引壅不行督疏銷甚急存異令每鄉公舉一人曰殷實保長優之以禮貌令勸諭鄉民銷官引勿食私民遂無食私者又每都舉一人曰都長令查詰匪類閭井肅清尤留心課士每朔望親詣學與多士分題構藝畢卽手自甲乙多所造就康熙三十年上官交章薦舉奉 旨行取入京去之日扳轅

連數十里

王啟宏字伊駿瓊州樂會人歲貢生居家孝友務篤行  
邑里化之有王彥方風康熙二十五年官增城儒學  
訓導立教先躬行次及文藝月課論經義發人所未  
發却貧士脩脯且助膏火焉以渡海風波險惡不能  
迎養朔望必具衣冠南向拜適賚 恩詔歸瓊母子  
依依不捨回署遂申請終養紳士詩歌贈行盈帙典  
試侍郎錢三錫序之服闋補陽春子時炯從宦來增  
與庠士多所切劘領庚午鄉薦令定襄行取孫元圻  
兩任永安教諭與增士皆戀戀敦世講焉

增城縣志

卷十七

宦續

二十四

沈澄字體元號鷲峯浙之山陰人也以貢生授增城知  
縣性英敏強記五官并用手判訟牒口並酬答無所  
遺失增邑田畝自萬厯時清丈已受其害有明之季  
屢經兵燹民多逃亡田畝荒蕪殆盡 國初稍稍復  
業隱匿侵佔諸弊皆作富者享無稅之田貧者輸無  
田之稅以是課數不登逋負日積澄乃請於上官募  
書算弓手先令各都按畝鱗丈然後履畝抽丈既丈  
之後立柳條歸戶冊計畝以科糧稅之浮於田者豁  
之其田浮於稅者亦第益其稅而不奪其田要於下  
無虛田上無虧稅公私愜適而止不以溢額爲功由

是民業得世相守也當澄清丈時旣夙駕或告曰有  
虎或告曰暑雨久從者病矣澄皆不爲之止凡所召  
募以及飲食楮筆一切費用絲髮不以累民故澄治  
增十三年修學修諸壇壝及城垣益大石崗汛設立  
各義學百廢皆舉而以清丈功爲最大後陞理猺同  
知築三江城以控扼之猺人懾服不敢動歷廣州府  
知府至雷瓊兵備道平黎人邢克善之亂最後奉  
旨修沙城城成無水澄禱之於神掘地得泉焉人名  
之曰沈公泉澄在增有清田集二卷今其書尙存嘉  
慶二十五年祀名宦

李上漢字雲麓宋忠簡公李昉英裔孫康熙三十五年  
以拔貢生任增城教諭造士有方進諸生課文藝親  
加甲乙謝絕修脯卽遇歲科試督學使者臨部皆自  
給薪水未嘗受一錢與邑令沈澄建鳴皋義學鳩工  
庀材皆身任勞勩捐月俸不足則私橐繼焉至令樂  
育有所頌沈公者兼頌上漢之功於不衰在任十八  
年學使者皆禮重之癸巳典試鄒贈以詩有化雨春  
風得鄭虔之句以內艱去服闋補英德教諭  
邵鳳起字蒼馭浙江嘉禾人由舉人任歙縣康熙五十  
九年任增城獨攜一子無記室其爲政清而不苛片

言折獄日給惟蔬糲不改儒素增童子試舊額止取十二名自鳳起抵任振興文教應童試者千五百餘人遂得請加額比於大學皆其力也以年老休致士民空城祖餞扳轅卧轍者相屬於道焉

閻廷弼山西人授增城縣典史攜一僕來赴任典史之職故冗猥任之者無遠志多不自愛執方寸赫蹏與里民相錙銖米麥鷄鶩之類雜取無所擇而廷弼獨介甚謝請問者革一切陋規每公事畢書役皆散署中常虛無人則衣敝衣啖粗食挾書吟咏若自得者嘗奉差給道路費有所餘則還之曰上官焉可欺也

增城縣志

卷十七

宦績

二十六

畜一坐馬死哭而瘞之自後多徒步又嘗買瓜蓏縷之雜少米糲爲糜充食知縣魏綰聞而憐之曰何自苦至此以私米二斛遺之受其半還其半又遺之衣裘兩襲則受衣還其裘歷任四年始終如一至卒之日知縣魏綰哭之哀爲治喪焉士民相率哭於市巷不相杵者累月嗚呼陸子有言有所爲而爲之謂之利無所爲而爲之謂之義若廷弼者亦何所爲哉此真廉吏矣

高猶龍字飛溟號拾煩本府順德人由肇慶學選拔貢大學應鄉試屢薦不售雍正九年謁選授增城教諭

至卽集諸生講經義法一以明之震川歸氏萊峰周氏爲歸明年諸生請以教職兼書院山長益大暢其說間或有所作示諸生爲程式必矩矱先民增令金虞廷讀而善之增之學者亦蒸蒸相慕效也粵中諸人士爭執羔雁走其門得其指授以應有司繩尺多捷去爲人平易暇時偕諸生嘯咏有吟風弄月之趣在任七年卒於官其遺教緒論至今學者守之有文集行世

蔣觀昌字載文號新堂廣西全州人康熙丁酉舉人乾隆六年謁選授增城縣知縣勸民孝悌力田睦族安

增城縣志

卷十七

官續

二十七

分而自守甚介其聽訟無大小必親自剖晰不委其屬惠愛之情如慈母之撫其子在任二載卒於署後以庫項未楚其子貧甚不能歸寄棺蕭寺者累年林朝開嘉應州鎮平人雍正九年 恩貢乾隆初任增城教諭性耿介而接物謙和勗諸生必以義有諸生以贄見聞其貧還之日坐小齋敝衣布履齋中無僮僕止一子供使令所得俸有餘則以調諸寒士及其鄉戚屬之留增不能度日者履任五年以年老休致不能辦歸裝同城官及邑諸生皆醵金助之

管一清字配寧號穆軒江南江都人由翰林出宰增城

縣有文武才時乾隆十七年東莞王亮臣聚衆良峯謀不軌將詐報命案給縣官到驗卽殺之以起事一清廉得其狀飛報上憲引重兵駐城不兩旬擒亮臣等付之法縣境以寧後又葺學宮修邑志建祠以報有功建書院以課士厥績亦不一焉

圖爾兵阿乾隆癸未來署縣事未蒞任先至偵察村庄墟鎮無不遍歷週知民情洞悉利弊時有生員某混名黃老虎專務詞訟武斷鄉曲兵阿撫其惡迹詳褫其衿又有監生阮某專事聚賭大開白鴿票廠遠近赴賭者日數百人終歲不息兵阿執之治以徒罪人

增城縣志

卷十七

官續

二十八

心大悅蒞事三月境內肅然惜不久代去然公之澤溥矣

傅其英福建安溪人由拔貢來知縣事慈惠明決邑有弟訟兄匿產者歷久不決其兄乃武生英臨審先杖其弟乃謂其兄曰汝弟訟兄業責之汝身列膠庠不知果有欺匿否所分產果公否曰無欺匿分皆公曰公則易矣以汝所分者與弟易之爭息矣時兄支吾不遵乃厲聲曰汝不畏法耶瞞幼匿產孝友兩闕衿可褫矣兄懼願聽判乃從公斷之案遂結又有以建廟訟者英知其惑於風水到勘曰謂兩造曰是地不

利吾解青烏術當爲汝等另擇乃指山僻兩無礙處使遷之爭遂息邑故事科歲新進諸生各應繳銀數兩補解考冊之費是歲新進多貧英代繳之且於縣考試時設法均派以補解費遂定爲例士甚便之其處事明通類多如此任未三年以丁艱去

毛圻山東歷城人乾隆四十五年以舉人任知縣吏治精明禮賢育士後調南海大計卓異例陞直隸州任大中丞以南邑案牘繁冗暫留聽斷手批口判日無寧暑勞苦染疾遂不起大中丞輓句云單父以身親兩粵觀風無此宰伯仁由我死三年憔悴最憐君可

增城縣志

卷十七

官續

二十九

以見其居官之概

張元愷字廷萃號一峯漢軍籍舉人居官廉靜一清如水起居服食有貧士所不堪者署任不久而去人咸惜之

劉毓琇安徽亳州人由南雄通判兩署縣事清廉勤慎治獄明允丁巳大水捐俸賑恤知府朱棟以其貧助之金牛都瑞山義學廢壞倡士人重修且復其租業時陳簡亭大中丞撫粵有知人之鑑亟賞其廉能欲遷擢之以去任未果兩署縣事不及一載而深得士民心山僻野老咸慕其仁各以土物獻及去餞送載

道皆以不得久留爲恨云

荆塏字朗公直隸安肅人以進士來署縣事寬厚廉靜政簡刑清不事紛更四民安堵修復菊坡亭又修鳴皋書院著有勞績大計卓異特調高要陞嘉應州甫到任而卒

余啟昇潮州澄海人乾隆四十四年以歲貢任增城訓導學粹品純課士先器識而後文藝居官十餘載惟蔬糲自給勤課諸孫科歲試於諸生脩脯不較多寡同事中有不如意者未嘗稍形諸色屆八袞開一邑紳躋堂稱祝解組日餞送不舍風流餘韻至今士林

增城縣志

卷十七

宦績

三十

稱道弗衰

王庭祐江南江陰人由行伍任增城左營守備爲人嚴正明介負郭禾麥向受營馬踐擾祐至嚴禁縱馬害稼其不悛者笞之時市肆擇用官錢營中有以私錢雜餉錢欺壓市肆者祐聞之謂市人曰每兵月用餉錢不得逾百濫者許扭稟市賴以安兵與民鬪必先責兵子某充本營馬兵遇有過杖至百軍政肅然然恩威並濟兵亦無怨之者陞直隸懷柔都司啟行日遠近餽贈送至數十里依依不捨武員如祐者世所

罕覯也

以上依舊志

倪森浙江蕭山人廉謹有勇咸豐元年署增城縣篆賦  
清訟理四年紅巾賊起據西山村爲巢四鄉莠民多  
響應者時以承平久守禦素不備及此勢成燎原森  
始倉猝籌防勞心焦思遂以積苦致病秋七月賊首  
何六率大衆攻城森力疾登陴抵禦城內奸民黎亞  
魁等開門迎賊城遂陷森被擄焉時有戶房典吏黃  
蔭棠拚死隨護賊張刃麾之不去森已至賊巢軀受  
鉅創口迭罵賊不止嗣得湯羽儀等設謀昇歸調理  
迨邑紳陳維嶽等破賊復城而森竟以受傷過重卒  
於署事 聞卹廕如例

張慶鏐江西玉山人同治九年來署增城縣事值麻車  
劉族與塘頭蕭族以爭山肇衅械鬪多年鄰村借事  
生風互相扛助仇殺之過蔓延上下二都傷斃人命  
以百數邑紳方引爲深憂慶鏐蒞任未匝月治其案  
結之兩造翕服陂頭塔岡鍾陳兩族鬪亦久慶鏐至  
亦持平斷息廉得鍾族人罕讀書識字故野蠻好鬪  
乃爲撥庫存罰款千元給令設學以訓其子弟復擇  
其稍明大義者諭令捐納職監爲紳耆責成約束其  
鄉人毋滋事在任二年百廢具舉邑學宮先農祠山  
川社稷兩壇或破壞或坍塌一一爲倡捐修復道光

年間呂令應樞嘗倡設收嬰公所於城西聚德坊以款絀不竟其功慶鑠續建而成之復捐集鉅款三千餘元發商生息以備收養嬰孩及拾字紙施棺木各善舉常費先是咸豐四年紅匪之役邑紳督鄉勇破賊復城與賊劇戰陣亡紳士鄉勇鄉民凡百三十餘名事後邑人歲陳主祀諸河干至是慶鑠詳請大吏奏准爲建義勇祠於東門對岸以妥祀焉公餘稽邑掌故而縣志之最近如嘉慶熊志者則書版經以故燬棄乃搜求遺篇散帙詮而次之重付剞劂慶鑠居官廉正絲毫無苟取於民增之人至今稱之

楊先榮四川資州人由拔貢挑選知縣同治十二年署篆增城勤政愛民取士尤有特識是屆縣試所錄前茅多能上進掇科名者在任僅朞月凡邑中有關文教之舉無不悉心興辦其間如續成考棚倡建倉沮聖廟均能規模宏敞燦然大觀惜不能久於其任所擬待舉之善政十未逮一去之日人皆惜鄧侯不留默禱使君之再來焉

吳徵鼂福建閩縣人進士授知縣光緒五年署篆增城會縣試衡文無疏忽所取前列皆名宿折獄尤明決凡收閱呈詞多當堂訊結民以是鮮纏訟有梅都鄉

民以眦睚忿控人徵鰲婉誠還其詞鄉民不自悛而復張大之卒被斥不得直好訟之風爲之寢息增城自嘉道二朝以來邑令審案概在內堂徵鰲每案必登大堂理處縱吏民環觀以示公明所判斷案內外人靡不悅服父老皆言吳徵鰲近來好官也後洊擢至廣西按察使

鄧炳春湖南湘鄉人光緒六年來知縣事政尙寬平雲都朱村橫壟兩鄉械鬪歷十餘年先後殺斃人命焚燬房舍各逾百數炳春輕車躬詣兩鄉召集紳耆丁寧曉諭聞者感泣乃實核各所損失衡量輕重判令

增城縣志

卷十七

官續

三十二

補金劑平鬪訟並息尤勵學愛士初邑翀霄書院獎格微薄炳春慨捐廉俸按課加賞一時應課者倍多於昔邑功令縣試文童向由禮房賣卷取資備辦場費炳春計有贏餘核減其數後遂援爲成例寒畯士皆蒙惠焉

王會中字子隨號補園廣西馬平人優貢光緒三十年來攝縣事抵任後禮賢下士撥庫儲罰款設協商公所凡邑中公要輒與所紳和衷商確然後施行官民情誼得不隔閡是年廢科舉興學堂 詔下會中諭邑紳遵章辦學以縣考棚改建官立高等小學堂并

爲之籌備學費至誅鋤會匪尤不遺餘力先是百花  
林匪首廖寶廷陰招莠民入三點會言得異人秘授  
符咒能抵鎗礮惑者頗衆是年十二月聚衆梅都鳳  
凰嶺嶂肚地方謀豎旗舉事自號夷山大王會中聞  
耗卽會營協同附近鄉團馳剿當場傷擒僞先鋒游  
思水殲之餘先聞風逃散會中查抄廖寶廷匪產入  
官懸紅購緝復躬行清鄉冀絕根株惜僅獲數匪正  
法功未竟去任瀕行賦留別詩八章其一云臘鼓聲  
中戰鼓鳴揭竿羣盜一時平誰知別有逋逃藪捕獲  
無功負 聖明卽紀此事也

謫宦附

南北朝宋

何長瑜東海人謝靈運既東還與族弟惠連暨長瑜及  
穎川荀雍太山羊璿之以文章賞會共爲山澤之遊  
時人謂之四友惠連幼有才悟而輕薄不爲父方明  
所器靈運去永嘉還始寧時方明爲會稽守靈運嘗  
自始寧至會稽造方明過視惠連大相知賞時長瑜  
教惠連亦在郡內靈運又以爲絕倫謂方明曰阿連  
才悟如此而尊作常兒遇之何長瑜當今仲宣而飴  
以下客之食尊旣不能禮賢當以長瑜還靈運靈運

增城縣志

卷十七

謫宦

三十五

載之而去長瑜文才之美亞於惠連雍璿之不及也  
臨川王義慶招集文士長瑜自國侍郎至平西記室  
叅軍嘗於江陵寄書與宗人何勛以韻語序義慶州  
府僚佐云陸展染鬚髮欲以媚側室青青不解久星  
星行復出如此者五六句而輕薄少年遂演而廣之  
凡厥人士并爲題目皆加劇言苦句其文流行義慶  
大怒白太祖除爲廣州所統增城令及義慶薨朝士  
詣第叙哀何勛謂袁淑曰長瑜便可還也淑曰國新  
喪宗英未宜便以流人爲念廬陵王紹鎮潯陽以長  
瑜爲南中郎行叅軍掌記之任行至板橋遇暴風溺

死據宋書謝靈運傳

明

戴冠信陽人明正德三年進士爲戶部主事見寵倖日衆廩祿多耗乃上疏極諫畧曰古人理財務去冗食近京師勢要家子弟僮奴苟竊爵賞錦衣官屬數至萬餘次者繫籍勇士投充監局匠役不可數計皆國家蠹也歲漕四百萬夙有贏餘近絀水旱所入不及前而歲支反過之計爲此輩耗三之一陛下何忍以赤子膏血養無用之蠹乎兵貴精不貴多邊軍生長邊土習戰陣足以守禦今遇警輒發京軍而宣府調

增城縣志

卷十七

謫宦

三十六

入京操之軍累經臣下論列堅不遺還不知陛下何樂於邊軍而不爲關塞慮也天子藏富天下務鳩聚爲帑藏是匹夫商賈計也逆瑾旣敗所籍財產不歸有司而貯之豹房遂創新庫夫供御之物內有監局外有部司此庫何所用之疏入帝大怒貶廣東烏石驛丞嘉靖初起官歷山東提學副使以清介聞

明史本傳

以上依前志

增城縣志卷十七終